



Embo lyeimbilo lyEhangano lya talululwa ishewe

Embo lyomaimbilo gOngoleki onkwaevangeli paLuther yomOwambokavango, ndyoka lya kala meopalekululo, olya gandjwa nuumvo mOshigongingeleki kOkomitiye yetalululo li ziminwe mushoka sha ningwa mo mulyo, manga inaali tumwa koshinyanyangidho.



Omwiimbithi megongalo lyaShitayi, mOndonga, K. Kadhikwa. Imbileni Omuwa nEhangano ogo omaholikembo ge.

Esiku eti 12.7.1984, Oshigongingeleki osha taamba omathaneko agehe ngoka ge shi etelwa kokomitiye pamwe nomalundulululo omashonashona ngoka ga ningwa po moshigongi shoka.

Eopalekululo lyahugunina membo ndika olya ningilwe kumeme Maija Kantele nolya ziminwa kOshigongingeleki shomumvo 1966 nolyo li li melongitho sigo onena.

Ihe okuza kethimbo ndyoka okwa kala omanyenyeto ogendji, kutya iitya yomomaimbilo ngoka ga li igililwa nawa oya lundululwa nando ngiika kapwa li ompumbwe yoku shi ninga.

Elelongeleki olya hogolola natanngo okomitiye yi talulule natanngo enyanyangidho ndyoka yo yi tale shono tashi vulu okwoopalekwa mo. Okangundu kaantu yahetatu mewiliko lyomusita Paulus Musheko naamushanga meme Magdalena Kambudu oya longo neitulomo enene moshinima

shika.

Oshilyo shimwe shomokangundu haka, omusita Heikki P.Uushona, Kalunga okwe mu zimbula mbala manga inaa mana iilonga yawo, ihe yakwawo oya tsikile nuudhiginini.

Konyala to hala u tye, iilyo ayihe yomokangundu hoka, oondjumbeta miinima yoondjimbo. Ngele tii ku tumbulile omusamane Hans D.Namuhuja, omusamane Toivo Ndevaetela, omusamane Gerson Shipuata, meme Tuovi Pennanen, nomulongi Jaakko Kangayi, nena ondi shi shi oto zimine pamwe nangame.

Embo ndika otali ka kala li na omaimbilo ga konda omathele gahamano. Omwa za omaimbilo 32 nomwa gwedhelwa omakwawo omape 37. Etompelo lyokukutha mo omaimbilo ngoka, okomitiye oye shi fatulula, kutya omoludhigu woongowela dhago nenge

Otatu imbi ngiini? epulo IyaKambudu moshituthilwiimbo

Omuwiliki gwoshilonga shomusiki mOngeleki, meme Magdalena Kambudu, moshituthi shomusiki numvo mOngwediva okwa kumagidha noonkondo aaimbi ya dhimbulukwe oshinakugwanithwa shomwiimbi gwopambepo kutya oshini.



Petamekolela lyoshituthi, mekundo lye Kambudu okwa londodha aapulakeni kutya okwiimba kaku shi okutseya ashike ewi niitya yeimbilo, ihe oshikalimo wo, "shoka tandi shi ningi nombepo yandje noondunge dhandje."

"Shoka osho hashi tiwa, 'omuntu okwa zala eimbilo' osho a lombwele oshituthi.

Muule womimvo omulongo dha zi ko, meme Kambudu sho a taamba oshimpwiyu shewiliko lyomusiki mOngeleki ayihe, opwa dhimbululwa ekoko ewanawa moshinima shoondjimo. Aagundjuka oyendji naakuluntu oya dheulwa okutseya oonote.

Ongundulwiimbo momagongalo odha tameke okuungakanekwa, osho wo mitayingeleki. Ehwamo neitulomo olya tameke okuukithwa koshilalakanenwa.

Oshiketha shomusiki omumvo 1983 osha li sha gongele R11 144,70. Okulongitha ehala lyiigongi oya futu R749,55. Nuumvo inatu mona manga ehokololo lyahugunina, ashike ope na natango ehwamo ewanawa okukoleka oshiketha shoka.

Tu lalakaneneni okwiimba noombepo wo dhetu tu li meimbilo lye tu popitha tango, tse tu wape tu li popithethe wo yakwetu," osho Kambudu a hulitha oshipopiwa she shoka sha lukwa ekundo lyombelewa yomusiki lyomumvo 1984 koshituthilwiimbo.

Sebulon Ekandjo



Ongundulwiimbo yoshitayingeleki shUukwanyama, tayi imbi numvo mOngwediva.

omolwokwaalongithwa kwago.

Mungoka omape ga gwedhelwa mo, amushanga gwokomitiye okwa ti kutya, oye ga kutha moomwayinangeleki, unene muAfrika napalwe ngaa. Manga gamwe ga zi miilyo ya ELOK yo yene nenge momaimbilo omakulu gOngeleki ndjika.

Oshikalimo shembo ndika epe otashi ka kala sha tungwa pamumvongeleki. Omaimbilo ogaali ga faathana, oga pewa onomola yimwe ayike, A na B. Omambilo gOrukwangali otaga ka kala mo 20 noga hoyakanithwa mumwe nomaimbilo agehe omakwawo. Shika edhiladhilo lyOshigongingeleki sho shene.

Ehangano otali ka kala lya nyolwa moonote dhoosolfa noobalka. Otapu ka nyanyangidhwa wo omaimbilo gamwe ngoka ge na oonote adhike dha gwana po, manga momaimbilo mu na ashike ewi lyotango, okukwatha omwiimbi, nkene hali imbwa.

Oongowela odha talululwa, dhimwe odha lundululwa noshi li ihe nawa sho pe na oonote, opo eimbilo kehe li monike kutya ohali imbi ngiini.

"Oshilonga oshinene noshidhigu nomuntu ku na mpoka noka opalela omulongithi kehe gwembo ndyoka," osho omuwiliki gwomusiki mOngeleki, meme Kambudu a tumbula moshigongingeleki.

Natango Kambudu okwa fatulula kutya iitya meimbilo ndika inayi lundululwa unene, omwa kuthwa owala mbyoka yi wetikelela kutya inayi opala. Momaimbilo gamwe iitya oya shunithwa komalundululo omakulu.

Embo ndika hali ithanwa ngashingeyi Embo lyomaimbilo, oshigongingeleki shonuumvo osha tokola li ithanwe

Tala kep. 3

“One aatumwa!” Dumeni a ti koshituthilwiimbo

Oshituthi shoondjimbo shokomumvo mu ELOK, osha dhanene ishewe nuumvo 20-24.9.1984 mOngwediva. Oshigongi osha kala mewiliko lyomuwiliki gwomusiki mOngeleki ndjika, Magdalena Kambudu nomupeha gwe a hogololwa moshigongi Jaako Kangaji.

“Mpaka omwe ya po niimpwiyu, mwa thigi yamwe yomaanegumbo lyeni miipangelelo, yamwe moonholongo, yakwawo ya kana nenge ya halakana nuuyuni. Ihe inamu dhimbwa oshinakugwanithwa sheni, Etumo,” osho omumbisofi K.Dumeni a popitha oshituthi shoka.

Aantu ye vule 500 ya za omagongalo agehe ga ELOK mOwambo nOkavango, oya li ye ya koshituthi. Oongundulwiimbo momagongalo, odho hadhi hogolola aakalelipo yadho moshituthi shoka.

Konima yelongelokalunga lyetameko, omuwilikingeleki Dumeni okwa dhimbulukitha oshigongi, kutya oyo aatumwa yaKristus noitaa mangululwa mo nando meithano ndyoka komaudhigu ye ga na.

Moshituthi shoka omwa li aalongi, aapangi, aanangeshefa, aasita osho wo aantu yomaithano gi ili nogi ili moshigwana. Omumbisofi sho kwe ya tala okwe ya lombwele:

“One omu lile po ukriste moshigwana shika.”

Pethimbo ta popi ngeyi, omawi guumukolo ogo ageke ga kala taga uvika mpaka naampeyaka mondjugo yoshigongi. Manga inaa tya sha keitaalo noonkondo dhalyo, omusamane Dumeni okwa kumagidha ongundu ndjoka yi dhiginine elongitho lyomambo goondjimbo dhopangeleki; Eimbilo lyEhangano naImbileni Omuwa.

“Omambo ngaka gaali ogo ga ziminwa kOshigongingeleki okulongithwa momagongalo noye na okudhigininwa,” osho e ya lombwele nomuthindo gwa kola.

Dha za kep. 2


EHANGANO. Inashi kolekwa manga, ihe opwa thanekwa enyanyangidho lyembo ndika li ka pite mo 1985.

Sebulon Ekandjo

haga holola oshikalimo shuuyapuki welongelokalunga ndyoka li li eyapuki omumbisofi ina dhimbwa nando okupandula aantu mboka ya pewa omagano gokutota oondjimbo.

Omuwilikingeleki okwa fatululile oshituthi oshikalimo shomeitaalo ekwaLuther, ndyoka a ti kutya nomudhigu ihali kongo ondjila ontiyali nenge ohwepo.

“Eitaalo lya tya ngaaka, nali kondjelwe,” osho a hiya aakwashigongi ya ye mo



Oshituthi shoondjimbo shi li miipundi, nuumvo mOngwediva. Komeholela otaku monika omapandela goongundu dhomagongalo manga omumbisofi ta popitha oshituthi. Aantu ye vule 500 oya li moka.

Ehogololo lyomaimbilo gomomalongelokalunga, aaimbithi mbaka oya li wo ya londodhwa ye shi ninge neitulomo, oshoka okwa ti kutya omaimbilo ngoka ogo wo

miilonga.

Oshituthi osha hulithwa wo nelongelokalunga lyuulalelo Uuyapuki.

Sebulon Ekandjo

yaangoka inaa hala okwiitaala.

OMAPULO

Amushanga gwOmkwetu, Kwatha ndje u yamukulile ndje omapulo gandje ngaka taga landula mpaka.

1. Oohapu dhomuJohannes 3:16 omolwashike hadhi ithanwa odho omutima gwOmbimbeli?

EYAMUKULO:

Oohapu ndhoka otadhi ithanwa omutima gwOmbimbeli molwashoka omo tamu monika shoka Kalunga a ningile omuntu, sha zi kohole ye. Kalunga oye ohole, sho a tumu Omwana a hupithe aanandjo.

Ihe moka otamu hololwa wo shoka tashi ningwa kombinga yomuntu; eitaalo ndyoka tali dhimbulula ohole. Omwenyo gwaaluhe ogwo ondjambi yomwiitaali nekano lyaaluhe ondjambi

EPULO 2

Onda kala nokulesha okambo kedhina “Oshili ndjoka tayi fala komwenyo gwaaluhe” nohandi uvu taku tiwa okambo haka otaka pukitha aantu. Otaka pukitha ano ngiini?

EYAMUKULO:

Ngele owa ti, owa kala noku ka leshe, owa yoolola tuu ihe kutya oshili tayi popiwa mo oyini? Jesus ota ti: Ongame oshili nomwenyo. Owe shi dhimbulula mokambo hoka?

PaMbimbeli yetu, omwenyo gwaaluhe ogwo okutseya Kalunga kashili naangoka e mu tumu Jesus Kristus. Owe shi adha mo mokambo koye?

Ano okambo haka otaka pukitha mboka ye li mondjila yeitaalo lyomuJesus nota ka falafala mboka ya hala oku ka landula.

Oshoongalele sheendjibo muKongo

Omaongalo aUkwanyama neudo okwa ongalele meongalo laKongo, moushilo waUkwanyama okudana oshivilo shokomudo shomalwiimbo. Olwotete eshi oita ya hovela moshilongo eshi, omaongalo oshitai osho taa ongalele meongalo olo.

Shiimba omaongalo amwe otae shi tala elihepeko, ndele kovakwaneongalo veongalo linya, osha li chekeleko, etwomukumo nefindano loshilongo shaKalunga mokati kavu.

OMAIMBILO GU UTHWA GA ZE MO MEHANGANO

33,115,149,167,231,267,271,272,
273,328,334,339,348,351,368,408,
416,419,430,507,508,511,524,528,
540,567,572,230,403,578,484,648,



Hendrina Shinana
Kongo

Omulongi Tuovi Pennanen, okwa zile kuSoomi numvo pokati komumvo opo a kale mOshigongingeleki sha ELOK moka ethaneko epe lyembo lyOmaimbilo tali kundathanwa. Oye oshilyo shokomitiye yelongekidho lyembo ndyoka. "Onda longo uule woomvula omulongo neopaleko lyembo ndyoka, nonda nyanyukwa sho oshilonga sha thiki manga pehulilo," osho a hokolele OMUKWETU pethimbo ndyoka ti ilongekidha a shune kaandjawa.

TWA HAFIFWA NDELE HATU HAFE

- Ovakongo twa hafele**
Ovanhu vomoushilo twa shambukilwe Momudo hetatu nane twa kuwililile Eengudu domalwiimbo de tu hangele Ndevaetela omuwiliki woshitai e tu talela po
- Otwa li twa pandula unene**
Twa li hatu kuwilile pombada Eshi twa tala omukweyo wovatumwa we tu yuka Omusholondondo weeloli diyadi ovanhu wa uluka momipapa.
- Otwe shi tala ko ongOmwene a hekeleka.** Twa tala ongaKalunga a denga a fudila. Eshi mwa tambula ko eindilo letu. Mwe li efela mondjila ile moiponga yamo.
- Ovangwediva ve ile va dja kokule**
Ovakalongo va fikile va dja koxulo Vawaneno twe mu tyapulila evilo Vanheleliwa twe mu danena oshitifi.
- Oshivilo sha li sha diladilifa Hanyango.**
Oshitufi shi pongolifa Josua Ngeno opo a li a tale oilonga yaye Tatekulu eongalo Kongo e tu fiila.
- Shitai shaUkwanyama pandulwa**
Maongalo paumwe hambelela Pamba, Namhongo nату mu fimanekeni Kefilonghenda laye e tu hanganifeni

NANDI PUKULULWE

Onda lesa mokambo: Iilonga yomoshi-nyangagongalo, moka mwa tiwa, miinyanga yomagongalo omwa pumbiwa mu kale Amushanga nomudhiginini gwiiniwe. Inandi tseya kutya omolwashike moshinyanga shaandjetu kaamu na aantu mboka.

Ohandi mono wo ngele aantu taa umbu ongalo, ihayi yalulwa ihe ohatu uvu ashike tayi popiwa momaigidho gegongalo. Kwathii ndje mu lombwele ndje nkene tu na okuninga.

N. Mandume
Onawa

EYAMUKULO:

Omupuli omusimanekwa, Owa ti ino tseya omolwashike iinima ya tya ngaaka megongalo lyeni, ngoye inoo ka pula komusita koshinyanga u yelithilwe nawa. Omukwanegongalo kehe oku na uuthemba a ka pule omusita gwaandjawa kehe shimwe she mu limbilika.

Ninga ngaaka, oto mono uuyeleele wiihwa po.

Amushanga gwOmukwetu

EFYO

Omusamane Festus Shixwameni womomuku-nda Oillyateko, Ondobe, mOukwanyama, okwa xulifa ombadilila 6.8.1984, a yashwa. Okwa fiya ko omukulukadi waye nounona vatatu.

Foibe Shixwameni

OSHIHOLELWA SHIKA OSHOMAIMBILO NGOKA TAGI IMBI GI IFA		
1	VK 144	56, 208, 243, 307, 327
2	VK 2	10, 11, 116, 602
3	VK 6	552
4	HLV 3	628
5	HS 497	224, 609, 614
6	VK 4	263, 406, 509
7a	VK 11a	146, 150
7b	SV 80a	17, 89, 233, 380, 466
8	VK 5	34, 44, 250, 341, 491, 499, 654
9	HLVEK 52	3, 11, 116, 602
10	VK 6	3, 10, 116, 602
11	VK 6	92, 162, 433, 633, 635
12	VK 16	25b
13a	VK 21	25a, 612
13b	VK 411	
14	VK 20	87, 102, 420b
15	VK 278	8, 89, 233, 380, 466
16	VK 61	
17	VK 5	
18	VK 25	
19	VK 22	
20	HLV 14	
21	HLV 1c	
22		

Ongeleki yaAnglikan otayi kongo etokolo yi yapulile aakiintu muusita

Sebulon Ekandjo

Ongeleki yaAnglikan moshitopolwa shaDamaraland, Namibia, oya tokola yi fale epulo koshigongingeleki tashi ya ngele aakiintu mOngeleki ndjoka naa yapulilwe tuu muusitagongalo.

Etokolo ndika olya zi moshigongingeleki shonuumvo shoka sha li mOvenduka muAguste.

Epulo ndyoka olya thikamena oongeleki odhindji muuyuni pethimbo ndika nolya kala wo mOngeleki ya ELOK uule womimvo dhi vule 10.

Ongeleki onkwaevaangeli paLuther mUushimba oyo ayike inaayi mona uudhigu wokuthika metokolo lyepulo ndyoka, sho ya yapula aakiintu yayo yaali nale nokuli konima yomimvo konyala omulongo dha zi ko.

“Epulo ndika ando li kundathanwe unene tango mokati kaakwanegongalo,” osho omukulukadhi gumwe gwomOvenduka e eta ethaneko moshigongi shoka shaAnglikan nolya taambwa.

Ongeleki yaAnglikan oya zi mundjoka yaKatoolika kaRooma. Pamwe omalunduluko ogendji ngoka tage eta omusa omunene pokati kOngeleki ndhika mbali?” osho omukwashigongi gumwe ishewe a holola uumbanda we.

Omumvo 1982 Ongeleki ndjika oya tokolele ngomuntu gumwe yi yapulile aakiintu moshilonga shuudiakoni. Palwe ngaashingeyi muAmerika mOngeleki yaAnglikan aakiintu oya yapulilwa muusitagongalo.

“Pamwe tatu ethele ondeveli mOngeleki ngele tatu yapula aakiintu,” osho omusamane gumwe a nukwa komwenyo nokwa hatuka omatumbulo omakukutu ngeyi. Konima okwa ka gandja ngaa ombili koshigongi omolwoshitya shoka “ondeveli”.

Pahokololo lyomusita M. Hamupembe, uukomisi owindji wa li wa totwa okukonakona oshinima sheyapulo lyaakiintu, inau mona nando eimbo lyasha pamuthigululwakalo, pandunge dhomuntu, pausosiale nenge pautologi.

MuAmerika mOngeleki onkwaLuther, ekonakono olya dhimbulula nkene omwaalu gwaayapulwa aakiintu tagu indjipala, ihe itaa pewa nuupu omagongalo, unene moshikando oshitiyali.

Oku na ishewe omagongalo gamwe ngoka itaa ga taamba aasita aakiintu, manga kombinga onkwawo ku na aasita aakiintu mboka yu uvite uudhigu okulonga iilonga ayihe yewiliko lyegongalo, unene tuu mboka ye li mondjokana.

Oshigongingeleki tashi ya ngiika otashi ka kutha omasipa pokati koombwa kepulo ndika lya ninga oshikundathana shuuyuni.



Omusita Emma Muyolo gwOngeleki yomUushimba. Okwa hokanwa komusita. Okuza peyapulo lyaakiintu mboka, Ongeleki ndjika inayi putudhila we sigo oompaka aakiintu muuteologi, nOMUKWETU ina tseya etompelo.

ETELEKO NEPALUTHO LYAANEGUMBO

Omutekuligumbo, omulongi Ottilie Kayofa, okwa li a ningi ehiyo kaakiintu yomoshigwana shika, opo yi itule methigathano lyokutelekela aanegumbo lyawo po pu monike ngoka e shi dhenge komutse.

Eindilo ndika, meme Kayofa okwa li e li ningi moshigongi shaakiintu 1983 mOkatana. Noinaa gandja oshiholelwa shontumba nkene omaludhi giikulya taga vulu okwiimonenwa, Kayofa aateleki okwe ya kumagidha ngeyi:

Tu kutheni oshiholelwa shokutelekela aayenda, tu taleni wo aateleki puupale nkene taa teleke iikulya yawo, tu lesheni wo iifo tu moneni owino wa gwana okuteleka iikulya tayi hili aantu.

Omupopi nguka okuulike natango oshiholelwa oshikwawo shelongekidho lyiikulya moohango.

“Aantu oya yela nawa, oya zala nawa,

omahala oga yela nawa, niikulya oya telekwa nawa onkene aantu ohaa mbo-mboloka ya ka lye iikulya mbyoka nohokwe oyindjiyindji,” osho a ti.

Elalakano lyomweetipo gwoshipopipiwa shika, okwe li yelitha kutya, aanegumbo ya paluthwe niikulya yi ili noyi ili esiku kehe noye yi topolelwe pamaludhi ga yooloka esiku nesiku pamalufu.

Okwa tsikile wo a ti kutya eteleko nawa, halyo okupalutha nawa, oshoka mbyoka iinima iyali nonando hayi ende pamwe. Pamadhiladhilo ge epalutho nawa oli na sha nokugandja iipalutha yi na iitungithi yolutu nomukalo nkene tayi topolelwa aantu, pomathimbo nomathimbo.

Eteleko nawa okwe li fatulula kutya omukalo ngoka omuntu ta teleke iikulya ye, ya pya, ya tulwa oombapa noya tulwa iizimba ya nika nawa opo yi hile aantu ye yi lye nohokwe.7

Omulongi nguka omukulu. gwaatekuligumbo mEngela, Ottilie, ina zimina nando omapopyo ngoka haku tiwa oku na iikulya yi na endjandja

“Aantu ayehe ohaa li iikulya ayihe, ngele inaayi kuthwa komundohotola. Iililomwa ya kaka, omuteleki nomuzalo dhe dha kaka, ehala lyokulila lya luudha, nomuteleki kee na enyanyu, oyo ayike hayi imbi aantu ya lye iikulya nombili,” osho meme nguka e na onzapo miinima mbyoka a fatulile oshigongi.

Tu thigathaneni mokuteleka momagumbo, tu tale oye ta kala naanegumbo ya paluka nawa ngaashi hashi ningwa palwe muuyuni. Edhiginino lyokuteleka nokupalutha nawa aanegumbo lyetu, osho tashi ke ya hila ya pilamene iikulya yopoomaalaka nuukefe, osho sha li po motundi yiinima yokelugo.

Sebulon Ekandjo

Embumbangele kosikola nomondjila

Hondjunina u tale nkene ooembumbangele haa yi kosikola. Otaa matuka yu uka komeho yu uka konima nenge mooha. Otaa kayilathana, ya tya oosipenitha, oothilinga, ohiyali oohitano nosho tuu.

Yamwe otaa thiki kuye, yamwe taa tokelwa. Omuputudhi omusimanekwa, ngele omunona ta zi meke lyoye te ya kosikola, na kumagidhwe a adhe osikola, ye kaa kanithe shoka we shi mu pe. Aanona ohaa pulakene ngaa omakumagidho gaakuluntu.



yawo, oshike sha longwa esiku ndyoka. Omunona na longekidhilwe wo oompumbwe dhokosikola, ina gandja ombedhi komulongi montaneho yomunona i-nashi pumbiwa. Omuvali ina gandja ekwatho lya pitilila oompumbwe dhumunona.

OKWIIYOGA KWOMUNONA: Onda ndhindhilike kutya unene pethimbo lyuutalala aanona aashona yowala haa iyogo mokuya kosikola. Omathimbo nomathimbo muule womumvo ihaa iyogo nawa.

Onawa ano aanona ya silwe oshimpwiyu yi iyoge, ye shi ninge metonatele lyomukuluntu nando haaluhe. Ihe onawa unene ngele pethimbo lyontumba omunona to mu yogo ngoye mwene.



“Aayengeli yawo megulu ohaa tala aluhe oshipala shawo megulu.”

Okukoka kwomunona nepatudho lye

Omunona ngele ta tameke okukoka, ohashi tameke megumbo tango papatudho lyaavali nenge lyaaleli ye. Eputudho etiyali olyomomukunda moka ta tsakanene niinima oyindji inee yi mona nale. Yimwe iiwanawa yimwe iiwinayi. Oshilonga shomuvali okutala elunduluko ndyoka.


Tongolola nkene aanona mboka ye li moondjila taa galuka kosikola. Oya sa ondjala, taa taga omilunga dhaantu, taa yaka iiyimati yaantu, taa kondjo nokuhindathana taa yi koondjila dhaa shi dhawo nosho tuu.

Omuvali nomuputudhi mokulongela kumwe naalongi, na kambadhale wo okupukulula omunona kaa ninge shono inaashi pumbiwa uuna e li mondjila ye ta galukile kegumbo.

Omunona posikola

Omuputudhi na tseye omunona gwaa-ndjawa kutya oku li mongapi posikola

Edhimbulukitho kaavali okulandula onkalo yaanona posikola nomegumbo



Uunona nau longekidhilwe iipalutha mokuya nomokugaluka kosikola

ndja ashihe shoka omunona te shi tegelele e shi tseye mosikola, nonando u kale wa kuthathana po nomukuluntu gwe. Inashi ya nando omomakutsi gomunona.

Momeya ihamu inyenge owala. Ngele aavali taa popi sha oshiwiniyi kosikola nenge komulongi, ngiika opu na ngaa sha tashi inyenge. Omulongi ke shi omuntu ngoka ihaa yono, ihe okwa pumbwa owala edhimopo lyoondjo ngaashi aantu ayehe.

Tu kwathathaneni, tu kaleni kumwe, nelalakano alihe omunona a putudhwe nawa a ka kale omukwashigwana shokomeho e shi okwiinekelwa. “Waa na mutanda ku na ngombe, waa na mpagona ku na iilya.”

S.W.O.Ngaikukwete



EIKONAKONO MPOKA TU LI NESHASHO LYETU

Epulo lye tu thikamena moshipala tse mboka twa shashwa, olyo ndika, kutya Eshasho otali ti shike? notali kwatha shike? Eshasho otali tu etele iinima tayi landula mpaka mbyoka itatu vulu oku yi pewa palwe:

- Otatu ningwa aalongwa yaJesus
- Otatu longwa okudhiginina oohapu dhJesus
- Otatu dhiminwa po oondjo dhetu
- Otatu kwathwa meso nomoonkondo shaSatana

Onkondo dheshasho noshilonga shalyo nekwatho lyalyo okuninga omulunde omunelago lyaaluhe, e na omwenyo omupe.

Inakugwanithwa yaamboka ya shashwa

Omuntu omukulu mutse a ninginithwe esiku kehe, po pu kale omuntu omuyuuki nomuyapuki koshipala shaKalunga. Mokeenda tse tu ende mokukala okupe esiku kehe. Jes.55:7.

Okukala omukriste okwo okukala meshasho esiku kehe ndyoka lya tameke esiku wa shashwa. Otashi ningwa aluke meitedhululo nomegundjilo.

Eshasho kali shi oshinima shopantu, ihe olya dhikwa kuKalunga mwene. Mark.16:16. Meshasho otwi itaala omu na oonkondo dhokuhupitha. Olyo osheelo okupitila tu ye mehupitho. Olyo oshilonga oshiyapuki shaKalunga tashi ningwa montaneho yaantu kuKalunga mwene moomwenyo dhaantu.

Okweetha eshasho otashi ti okweekelahi oohapu dhaKalunga, eitaalo naJesus Kristus mwene. Eshasho olyo alike omuti gwokwaaludha uuvu weso omuntu a kale e na omwenyo gwaaluhe. Omutondi okwa holama konima yedhiladhilo ndika: **Eshasho, eitedhululo neitaalo, mbyoka iinima yowala.**

Tu taleni eshasho ongomuzalo gwethimbo kehe moka tu na okuhupithilwa paitaalo. Tu hwameni wo mutse okulonga oshilonga shetumo, opo yalwe wo ya ninge aana yaKalunga mokushashwa.

K. Dumeni

Kwatha olutu lwoye nomwenyo

Mokutala kombinga yokulongitha iikunwa, ngashingeyi ngele tatu shi yeleanitha nethimbo lya piti, inashi faathana we. Omagongo ngoka ga li ga simana okwa li haga longithwa kaakuluntu unene kaasamane. Oomeme naanona, ohaa lolithwa kashona, nosho wo omalovu giilya, osho sha ningwa. Mowalende ihaa lolo mo nando okuli nomukalo ngoka ogwa li gwa kwatha.

Omuntu iti iyeleke nando. Aanona wo otaa nu, ngaashi aakuluntu. Oshigwana ashike otashi tukwa po kontuko yiikolitha pethimbo limwe. Iikolitha itayi tu kwatha nando.

Yamwe otaa ipopile kutya oyi lile po okunuwa. Nongele oyokunuwa, okulye ihe, osho taa pula. Ihe ooyakwawo mboka ya dhimbulula sha muyo, otaa pula omakwatho, nkene omuntu e na ku yi etha. Oshigwana oshi li koho yeyonuko enene.

Ekwatho ndyoka tali monika po, nali endithilwe momagongalo. Mooyene yiilongo noyomikunda momanongelo, moongeshefa, omo namu pitithilwe omakwatho taga etwa po.

Kwatha olutu lwoye lu kale po. Kwatha omwenyo gwoye gu hupithwe. Aanona naa kambadhalwe yaa putudhilwe we mokunwa. Okunwa ontaku naku tulwe miilonga ya kwata miiti. Okulya iikulya ya gwana naku dhigininwe.

Itula mo mokuyoolola oshinuwa shoka tashi ku opalele notashi ku tungu olutu nombepo yoye, sho itashi ku etele eyonuko lyasha.

Malmivaara mopenzela

Omumbisofi Jukka Malmivaara gwaKuopio muSoomi, ota ka ya moshipundi shevululuko konima yoomvula ne sho a kala mombelewa yuumbisofi.

Aambisofi naasita mOngeleki onkwaevaangeli paLuther muSoomi ohaa yi mopenzela okutameka pomimvo 63 dhuukuluntu, notaa vulu okutsikila sigo omimvo 70 dhuukuluntu ngele ukolele otau shi pitika.

Malmivaara ota ka tsakanitha omimvo 68 muKotoba nuumvo, ihe omoluunkundi wopalutu ota thigi ko omimvo mbali dhiilonga.

Omumvo 1983 muJanuali omumbisofi nguka okwa li a talele po Ongeleki yetu nokwa kala moshituthi shoovvula 100 pOmulonga mpoka Ongeleki ya li ya dhimbulukwa aashashwa yotangotango.

“Onkalo otayi lunduluka aluhe pamikalo odhindji, okukalamwenyo otaku endele pamwe nomaudhigu. Kalunga ine tu uvanekele nando okukalamwenyo kwaa na uuwehame noothina, ihe shoka e tu uvanekelele oku tu pa oonkondo okukala momaluhepo ngoka.

“Ehistoli lyOngeleki ya ELOK muule womimvo 100 otali shi holola, kutya iilonga yaKalunga otayi tsikile nomethimbo lyuudhigu, notashi tu tsu omukumo mboka tu li po nena. Kalunga ota longo sigo onena, inekeleni ano Kalunga noonkondo dhe,” osho a li a popitha iilyo yomagongalo ga ELOK pOmulonga.



Mpaka ope na oshilonga shokuyambekelwa miilonga



Omumbisofi Malmivaara ta popitha oshituthi pOmulonga 1983.



Omudiakoni Suoma Shaningwa

PII NDJE UTALE UUYELELE

Onda hala mu tseyithile ndje nawa omudiakoni Suoma Kaapangelwa e li mOnangalo. MOnangalo yo yene inamu kala nande omudiakoni Suoma Kaapangelwa. Shila negele epuko onawa mu pe ndje eyamukulo.

Ngame ohe yokanona ihe kandi na ofani ya tya ngaaka. Okamwandje, itamu vulu okwiiteka ndje.

*T. Shaningwa
Swakopmund*

Eyamukulo:

OMUKWETU ota gandja ombili, komudiakoni Suoma, kaavali ye ayehe nokaaleshi ayehe yOmukwetu, mokudhibakanitha ngeyi ofani, yaSuoma.

Amushanga gwOmukwetu



Etalelopo lyopaudiakoni lya ningilwa pegumbo lyomukwaniilwa


Omasiku 24.8.1984 iilyo yegongalo lyaAnglikana noyegongalo lyaNtananga mu ELOK, mOndonga, oya li ya tsakanene melongelokalunga pegumbo lyomukulukadhi Kwedhi Ruusa Ashikoto pOnegandjo.

Elalakano olya li okutalelopo omukwaniilwa Samuel Wilbard Ashikoto nohapu yaKalunga ngoka a kala ethimbo ele a lala mombete. Aantu oyendji okwa li ya gongalele mpoka.

Mokati kawo omwa li ezimo lyaakwaniilwa yomOndonga nomalenga omanene ngaashi Karl Israel, Abisai Shikulo, nayalwe. Aasitagongalo ya li ya fala ohapu yaKalunga komumvu nguka omusita Thomas Nepaya gwaAnglikana nomusita Herman S. Shongolo gwa ELOK.

Ongalo oya li yu umbwa metalelopo ndyoka noya zi R 80,86 noya pewa yi ninge ekwatho lyomumvu meyakulo lyomumwayina Ruusa Ashikoto.

Thomas H. S. Nepaya



Omusita gwaAnglikan Thomas H.S.Nepaya

Omukundaneki Halweendo

OMUKUNDANEKI wetu Halweendo yaShipopyeni okwa kala te lipulwa neenghono kovareshi vOMUKWETU meehani da dja ko. Lesha u pwilike eshi Halweendo ta hokolola osho sha li sha enda mongava:

“Moule wefimbo olo nda kala itandi kundaneke ovaifo, onda li mefudo lange lokufu nonda li nde lipyakidila neteyo; okonyala nokuli tu nyengwe kexwo, osheshi omuloka neudo owa li muwa nohatu shi pandulile tate Kalunga,” osho omukundaneki a hovela ta hokololele ovanaifo ovo navo yo va hangwa ve mu fya enota.

“Ashike mefimbo tuu olo loupyu woilonga, onda didilika kutya oku na ovanhu vamwe moshiwana eshi, unene tuu ovakainhu, tava teya opo inava kuna notava li osho inave shi longela; apa onda diladila ovakainhu ovo va mbwitikila mOushimba vo ve he na mo oilonga yasha.


“Ovanhu va tya ngaha, Halweendo ta twikile, ohave ya mOwambo pefimbo lokufu nokwenye, ndele tava tutu mo oikulya oyo ya longwa noudjuu kuvakwao imwe oya longwa nokuli kovakulupe aveke ovo ve na eenghono tadi nyangwaan-nyangwa.

“Nokuli efiku limwe onda li povakulupe vamwe tave litulile keembiya (omakaya) nova li tava popi ve u dite oudjuu omolwomalihumbato ovana vavo voulakad-adjona ovo ve li mOushimba.

“Oto hange omunhu ta ti kOushimba oku li ko e li koilonga, ndele meumbo iha eta mo sha shi wetike; shapo ngenge wa mono a eta mo sha, okaana kaye kokanghelo kokambututu, opo u ka tekule noshikundu nomakunde, ye ta shuna kOushimba a longela omaufila noilya...,” osho Halweendo a endulula osho a uda komilungu dovakulupe venya.

Onda kala handi lipula noshinima eshi okafimbo nokonima onda tokola opo ndi ye komuyandjimayeke wange moimima yopanghalafano, opo tu ka xungile oshinima eshi tashi etele oshiwana okahetengi moilonga yomake nomomaxupilo.

WA FA INOO FUTA NATA-NGO OSHIFO SHOYE O-MUMVO NGUKA? ENDELELA MBALA U SHI NINGE, MANGA INAATU TAMEKA NOFUTO YO-MUMVO 1985



tamaneke egwedhelo lyofuto yomuyonwapo nombinga yaamati oyo ayike tayi pewa ondjo moshinima shoka, nonando aantu oya li ya ziminathana ayehe yaali.

Amushanga gwOmukwetu

Otandi popi kashona koshipopiwa shoshipalanyolo: **Onhuko tai mane po oshiwana, nai kondjifwe ngahelipi?** sha holokele mOmukwetu gwaJululi 30. Mokulesha oshipopiwa shomumwameme Aron, shono shu ulikwa pombanda, onda dhimbulula nkene tashi tungu shili aagundjuka yoshigwana shetu shono shi li meyonuko enene.

Iipopiwa ya tya ngeyi, oya pumbiwa unene. Onda hala wo okupopya kashona kombinga yokatendo hoka ka zi moshipopiwa, taka ti: "Ngenge ongaho, shapo oifuta nai wedwe, shashi ovo ngo tave shi indjipike, keshe pamwe opo e li. Pamwe oimaliwa tai mu vele."

Okatendo haka oka fa ka hala okugandja uusama kaamati ayeke. Eeno, osho kombinga yimwe, ihe aakadhona nayo wo oye na mo ondjo moshinima shoka. Oshoka aakadhona ihaa kondjo we noonkondo okukondjiitha omamakelo ngoka tage ya adha.

Onawa ngele tapu kongwa onkatu ndjoka tayi kwatha wo aakadhona ya sinde omamakelo gawo. Iifuta ngele tayi gwedhelwa, otashi etele aakadhona yoshigwana shetu uunkundi, ya sindwe nokuumakelo uushona, nomukithi otagu tsikile owala gu uka komeho.

Onawa aakuluntu ngele taa kambadhala shili okukumagidha mpoka taa vulu, opo aakadhona wo ya kondje ya mana mo. Aaleli yetu aasita naakomeho yetu ayehe onawa ya ninge iigongi nenge ya longekidhe iishangomwa yontumba okundungika aagundjuka miinina mbyoka.

Onkatu oyi na okukatukwa omolwoombinga adhihe mbali; aakadhona naamati. Ngele hasho, aakadhona natango otaa ka tsikila owala, oshoka oyu uwite kutya aamati oyo aanandjo moshinima shoka.

Aakuluyonale oya li ya tala kutya aantu ayehe yaali oye na oshipwe, nomolwashoka oya li ye ya fike po ayehe yaali. Tse omolwashike itaatu geele wo aagundjuka ayehe?

Vilho Shikongo
Windhoek

NDHINDHILIKA: Ombilive ndjika oyimwe yomoolbilive odhindji ndhoka twe dhi taamba momeberwa yOmukwetu tadhi

Olwindji omagongalo oga pewa uusama kaana yago mboka ye li mehalakano aniwa ihaa yamukula mbala koompumbwe dhawo dhopamwenyo. Ohashi vulika omuntu ta nyolele koshinyangagongalo nenge komusita gwaandjawa, ta ti:

"Nandi tuminwe mbalambala ombapila yandje yegongalo, opo ndi kuthilwe po, ondi li mosikola yekuthilo ne." Ye ina tseyitha shoka she mu falitha mepukululosikola.

Omuntu na tseyithe tango oshinima she ombahu nokawawa opo ihe a holole eindilo lyombapila yeyakulo, opo a pewe ombili ye. Otaku dhimbulukithwa wo kutya omalelogongalo ogo haga utha nenge haga yamukula oompumbwe dhaakwanegongalo, haoshinyangagongalo nenge omusitagongalo awike, aawe.

S. Ndatipo

Otashi kumwifa onghendabala yovalongi kovalongwa nelongo meefikola dopedu nodopombada, okuxumifa okaana komesho, nelalakano ke limonene elongo lopombada koo ke ke limonene oilonga ye ka wapalela paifano lako monghalamwenyo i na elao.

Oshi na hano okudimbulukiwa, kutya oipala nelongo itai dulu nande okweendela pamwe, kelalakano itaku fikwa.

Oomeme ove na oufemba newapalo lopandilo ve li pewa kuKalunga moushitwe nomonghalo yeliyapulo. Itava dulu nande okuliyandja memanguluko nomomodela yoinima i ha fele.

Oye okwa shitwa oshifefa shaKalunga okuyandja kounyuni oshihopaenenwa shiwa mengungumano, moukoshoki nomohole youmwainafana naJesus.

M. Kavungo,
P.O. Oshikango

Otashi etitha ohenda sho pethimbo lyongashigeyi aakwanegongalo haa kala ya nyengwa okumwena pethimbo lyelongelokalunga. Otwa hala okudhina oohapu dhaKalunga neuvitho lyadho? Ite dhiladhila nando aanona mboka haa kudhile ngele pamwe ya loloka, ihe aakuluntu tuu.

Tu kambadhaleni okwiidhidhimika nonando tu kale twa vulwa, oshoka esilohenda lyaKalunga olya holoka li etele aantu ayehe ehupitho notali tu putudha tu ethe okudhina Kalunga nuuhalu wopayuni, tse tu kale tu na uuyuki nokuholo Kalunga. Tim.2:11-12.

E. gwaAdam Kambonde.

Oshigwana osha halakana nomakuti sha fa iiyamakuti, sho osha pumbwa ohole yoye nombili. Ethimbo alihe otashi dhipagathana. Kalunga omunamwenyo, tala oshigwana shoye nolukeno. Dhima po oondjo dhasho, ngele ito kwatha olye we te shi kwatha? Esimano olyoye, Omuwa.

Titus Halweendo

Tangi koshipopiwa shoye omufimanekwa F. Nghishakenwa, osho sha leshwa moshifo sheti 30.8.1984. Osha twa nge yo omukumo noshi shi okulandulwa, osheshi shili, fye katu na eenghono, nde okuninga hatu ehela ekwafo kumwene waaishe, oye a kufe po omaudjuu etu.

Omwene ne ku amene, ove u twikile noilonga yoye nokudiladila nawa.

T. S. Nghishitivali
Tsumeb

Eshi ovalumenhu vahapu inava hombola moshiwana shetu novakainhu vahapu inava hombolwa, osho sha tandavelifa oulunde medu letu nola ninga la fa Sodom naGomora. Otashi fifa ohoni.

Job P. Nghatanga

Aagundjuka ooyakwetu,

Osho opala tuu okuumba osenda yimwe ayike mongalo yegongalo? Manga Kalunga e tu peni, tu kambadhaleni utale tu ninge po sha. Tu dhiladhileni kutya Kalunga oha gandja ye ta kutha wo.

Ano inatu ndalapateleni Kalunga.

T. F. Sheeya

Linea Haifete okwe tu thigi po 23.8.1984. Oye omulongi gwsosikola yeshasho nekoleko yaakulupe megongalo Endola, mUkwanyama. Omimvo inadhi tseyika. **Ekundo kaaleshi Fil.4:4-7.**

Jakob Lotto


Aatalelisikola naawiliki yelongo, itamu vulu okuninga po sha, opo etaambo lyaanona moosikola dhopombanda, Ooseko, lya ningwe we nepulukuto? Aavali oyendji ohaa thigi po omagumbo gawo, gamwe oge na owike noku ka kongela oyana naatekulu yawo oosikola.

Kape na mbela omukalo gumwe okutaamba aanona, e taa tseyithilwa kuye, yo aavali taa longekidhile ashike aanona omalweendo gawo ya ka tameke?

C. J. Nakanjala

Epangelo lya SA olya lundulula omukalo gwokulela oshilongo Oongeleki dhimwe inadhi shi panda

MuJuli 1982, oministeli yotango ya SA omusamane Pieter W. Botha okwa tseyitha, kutya oshilongo osha pumbwa ekotampango epe, ndyoka tali ziminine wo Aaluudhe melelo lyoshilongo.



Mu SA ngashingeyi ihaku popiwa we oministeli yotango ngaashi omusamane nguka a kala hi ithanwa. Pamulandu omupe oye e li ngashingeyi omupresidende (P.W.Botha).

Ethaneko ndika olya tulwa nuumvo muSeptemba 3, miilonga. Ashike omalongekidho go gene oga zi kokule kashona ko 1973. Nekundathano nkene shi na lela oku ka enda, osha kundathanwa moshigongi shomutumba gwogandjiveta muMai 1983.

Oongeleki dhimwe moshilongo shoka, omihoko dhimwe dhAaluudhe noongundu dhimwe dhoompilameno mepangelo, odha kala tadhi kondjitha elunduluko ndyoka.

Kombinga yOongeleki okwaapopila kwadho ethaneko, oku li ashike mpoka, kutya sho inaali kwatelela mo omihoko adhihe dhAaluudhe moshilongo, itali ka mana po wo okwaauva ombili moshilongo hoka ku li po kwe etwa kelilathano lyokomasilu.

WA FA INOO FUTA NATANGO OSHIFO SHOYE OMUMVO NGUKA? ENDELELA MBALA U SHI NINGE, MANGA INAATU TAMEKA NOFUTO YOMUMVO 1985

Manga oongundu dhimwe dhompilameno mepangelo otadhi yemata, oshoka aniwa epangelo otali eta omeya mondunda, sho Omuluudhe ta pewa uuthemba miinima yeledo lyoshilongo muuthikepamwe nOmutiligane.

“Shoka kashi mo momulandu gwaMalana”, osho tadhi ipopile.

Ihe omakondjitho ngoka inaga imba epangelo li tsikile nomathaneko galyo komeho. Omihoko mbali moshilongo; Aaindia (kleuring) Oombaati odhi indilwa dhi hogolole aakalelipo yadho mboka taye ke dhi kalela po momutumba omugandjiveta pamwe nAatiligane.

Omihoko omikwawo, Aazulu, Aakhosa nayalwe, taa tengenekwa poomiliyona ntano, inaa pewa ompito ndjoka yehogololo lyomepangelo lyopashigwana. Okweethiwa kwawo pondje huka, okwo kwa kala taku tamanekwa kOongeleki nokuuyuni wopondje.

Oombaati, mboka ya pewa kepangelo ompito yehogololo, oopelesenda 30% adhike lwampoka dha zi mo, peha lyoopelesenda 60% ndhoka dha li dha tegelelwa.

Ehogololo lyAaindia, olya fa tuu lye ende nawa hwepo. “Epangelo otali yi ashike komeho nefaneko lyalyo. Oopelesenda ndhoka 30% odhi shi okutaambwa,” osho omukuluntu gwiinima yomahogololo, omusamane Chris Heunis a popya.

(Digest 31-8-1984)

Manga ehogololo inaa li ningwa, 28.8.1984, Oongeleki yaKatoolika kaRooma, yaAngilkan, yaMetodis nadhilwe moshilongo, odha li dhi ipula noshizemo shehogololo lyekotampango epe.

MuSeptemba 25, omo mwa li mwa uthwa ombilive yopausita yi tumwe komagongalo aakwanegongalo ya tale nawa ehogololo ndyoka lya tegelelwa, naasho tali vulu okweetela oshilongo.

“Sho pe na yamwe yomaawilikingeleki noyomoshigwana ya tala elunduluko lyekotampango kutya oli na oshilonga, Oongeleki itayi vulu okugama kuyo, oshoka oyi ikutha ko kevaangeli lyaKristus lyokuhanganitha,” osho dr. Khoza Mgojo gwOongeleki yaMetodis a holola omauvito ge.

Uusama uukwawo moshinima shika owa li wa gandjwa kuuyuni wopondje. KuNew York, oshigongi shOraata yegameno ya VVO oya hiya omutumba gwopaulumompumbwe paindilo lyiilongo yaAfrika, okupangula elalakano lya SA moshinima shoka.

Amerika naBritania oyo ayeke yi ikaleke pondje yomadhiladhilo goshigongi noinaa ya mo

metokolo.

Pauelele mboka wa gandjwa komukalelipo gwa SA kIlgwanahangano moshigongi shoka shOraata yegameno, elunduluko lyokulela oshilongo she okwe li ndjandjukununa ngeyi:

Oopalelemende ndatu

Omuhoko kehe gu li melelo; Aatiligane, Aindia (Oombaati) otagu kala nomutumba omugandjiveta gwawo gwi ikalela. Opu na ongundumpitithi (Kabinet) ndjoka omunashipundi gwawo ti ithanwa Omupresidende.

Omupresidende ngoka ota hogololwa kongundu ya za mukehe omutumbagandjiveta gwomihoko ndhoka ndatu nota kala miilonga uule woovula ntano.

Ongundumpitithi otayi tsakanitha omatokolo ngoka ga ningwa koshigongigandjiveta shaayehe noga ziminwa mukehe oshigongigandjiveta shomuhoko kehe.

Omuhoko kehe otagu kala gwi ipyakidhila niinima yagwo komutumba gwaandjawa manga iinima mbyoka ya guma ayehe tayi etwa komutumba gwaayehe.

Opu na wo uukomitiye wiilyo ya za momihoko ndhoka ndatu, mboka tau kwatha okulela. Uukomitiye mboka ou na sha ngaashi niinima yomahupilo, yuuyuuki moshigwana, yegameno lyoshilongo niinima wo yokiilongo yopondje.

Uukomitiye mboka otawo kala wo u na oshilonga shokukundathana ooveta, unene ndhoka dhomihoko ndatu tadhi nyengwa okwaaadha etsokumwe.

Oku na wo Ewilikongundu lyomupresidende ndyoka tali longo naye ngomugandjimaye. Ndika olo wo li na ewi lya hugunina miinima mbyoka omalelo ngeyaka gatatu taga nyengwa okutsa kumwe muyo.

Uuna pwa holoka okwaatsa kumwe mokutota ooveta, omupresidende gwoshilongo oye e na okugandja omayelithilo gi ili nogi ili goveta ndjoka kEwilikongundu lyomupresidende, opo li tokole kombinga ndjoka tali gama, oveta yi

Tala kepandja tali landula



Omupresidende Samora Machel gwa Mozambiqwe.

ninge oveta.

Ewilikongundu lyomupresidende oli na iilyo 60 mumbiyoka 35 ya hogololwa komalelo gomihoko ndhiyaka ndatu no 25 ya ulikwa komupresidende gwoshilongo.

Oongundu dhoompilameno nadho wo odhi na mo aakalelipo yadho mewilikongundu ndyoka. Ndika olyo lya li eyelithilo lyomukalelipo gwa SA ko VVO.

Takele komihoko dhimwe ndhoka inaadhi kwatelelwa mo kekotampango ndyoka epe tali lelitha oshilongo nomukalo gwi ili kashona, SA oku na wo oongundu dhaagundjuka Aaluudhe dha tauka mo moshilongo nodhi li muupongekwa miishiindalongo ye.

Yamwe yomoontauki ndhoka oyi idheula uukwiita nohaa ningi iiponokela moshilongo shawo mu SA. Otashi vulika omolwaa-ntu mboka, Oongeleki dha humbata wo oshimpwiyu, sho inaa kundathanwa nayo, ko ku ningwe omalunduluko muukumwe nayo.

SA niishiindalongo ye

Okuza petameko lyomumvo nguka, epangelo lya SA olye shi pondola okuziminitha omapangelo gopuushiinda we, ya ninge omauvathano gombili pokati komaushiinda. Mozambiqwe naAngola, oye li hale meuvathano ndika.

Iilongo yimwe ngaashi Swaziland, okwa kala mo ethimbo ele kashona meuvathano, manga Zimbabwe, Botswana naLesotho taa kundathana nayo ya zimine wo.

Iilongo ya mangeluka mbyoka yi li uushiinda na SA oya kala hayi yemata unene, kutya SA ota yonagula oshindji shopaekonomi miilongo yawo niiponokela ye. Kombinga ya SA oha yematele wo iilongo mbyoka, oshoka oha ti, oyo hayi etha oongundu dhiikulo dhi ze miilongo yawo nodhi yonagule mu SA nomu SWA.

Ootrupa dhokiilongo 55,000 muAfrika

Pauyelele mboka tau zi momalunza ge shi okwiinekelwa, euvathano ndyoka e naMozambiqwe, olya fa tuu tali ende nawa hwepo. Ihe ndyoka lyawo naAngola, otali ende tali pegeya.

Omasiku hamale sho ya kala taa paathana omausama, kehe gumwe oha ti mukwawo oye itaa dhiginine omauvaneke ge.

(Adv.12.9.1984).

Omo! wokwaainekelathana hoka, opwa leshwa omasiku ngaka miifonkundana, kutya aakwiita yomathele yaKorea lyuumbangalantu, oya lambele muAngola okukwatha epangelo ndyoka.


Pahokololo lyiinima yopakwiita ndyoka lya zi muLondon, metatamumvo ndika, opwa tengenekwa muAfrika alihe mu na ngaashingeyi aakwiita konyala 55,000 mboka ya za kombanda yomafuta. Oyendji yomuyo aagandjimaye.

Angola oye ngiika e na aakwiita oyendji e vule iilongo iikwawo, taa tengenekwa 26,150 mwa kwatelelwa aagandjimaye miinima yuukwiita. Mbaka oyendji yomuyo oya za kuCuba nayamwe kuNdowishilanda lyuuzilo nokuRusia.


Aakwiita mbaka oyo haa pulwa ku SA ya shune kaandjawa, a vule okupulakena nawa oonkundathana dhemanguluko lyaNamibia, oshoka ota ti oye mu li nayi.

Ethaneko epe ishewe molwemanguluko lyaNamibia

Omasiku ngaka opwa kundanwa ishewe miifonkundana yimwe, omutoto inaagu kola nawa, kutya ethaneko epe olya ningwa ishewe



Omusamane Walter Mondale, gwa-Amerika ngoka ta kondjele uupresidende ngashingeyi nomusamane Reagan. Okwa ti ye okwiilongekidha okuthiminika SA a mangelule Namibia.



Oyendji muNamibia kaye na nando ohokwe yokupulakena nkene omusamane Reagan muAmerika tashi vulika a hogololululwe. Ihe Aayamerika yoyene shoka otaye shi koleke. Oshili ya yela otayi ka monika muNovomba numvo.

okukonga etsokumwe lyomadhiladhilo gokumangululitha Namibia. Ethaneko otali pulilwa eziminino ko VVO.

Ihaku popiwa olye a gandja ethaneko ndyoka, oshoka SWAPO na SA ayehe otaye li ikala.

Ethaneko oli li ngeyi, kutya epangelo li dhikwe mOvenduka pokati ka SA, naSWAPO nokoshigongi shoongundu odhindji. VVO oye na kale omutonateli gwepangelo ndyoka.

Okuza omumvo 1966, oku na iitokolitho oyindji mbyoka ya gandja oonkondo ko VVO yi kale omuleli gwevi ndika noku li longekidhila epangelo lyopashigwana, ihe iitokolitho mbyoka epangelo lya SA ndyoka lya kala omuleli gwoshilongo shika, olye yi ekelehi noinali gandja nando ompito kligwanahangano yi tsakanithe oshinakugwanithwa shayo.

OMUKWETU ke na uyelele ngele oshinima shoka osho ihe tashi dhiladhilwa nethaneko ndika, nenge mpaka ope na omadhiladhilo gi ili.

Ashike pathaneko ndika, etonatele lya VVO okutonatele epangelo ndyoka tali ithanwa olyopakathimbo, nalyo okwa tiwa ando otali kala ashike sigo uuna oshitokolitho 435 sha VVO sha tulwa miilonga.

(Adv.13.9.1984).

Oshitokolitho shoka osha kwatelela mo ehogololo lyoshigwana ashihe ndyoka tali ka hogolola, kutya olye e na okulela oshilongo shika.

Omutungilo aguhe gwepangelo ndyoka inagu tseyika manga nkee gwa tya, shimpa tuu ethaneko oli li ngaaka, kutya:

+ Olya thikama mOkabinete hoka taki ithanwa Oraata yaaleli (Council of Leaders).

+ Patiyali ongundu ontotiveta ya thikama maakalelipo yoopaati dhi ili nodhi ili dhopapolitika.

+ Nondondo ontintatu uupangelogona 11 womavigumho 11 gomoshilongo shika.

Ethaneko osho li li andola ngawo. Inali gwila tuu mpoka lya tuka?

Oopelesenda 60% dhAatiligane odha hala ombili

Pakonakono ndyoka lya ningwa mu SA motaki kAatiligane, opwa dhimbululwa nkene oyendji ya konda metata ya hala epangelo lyawo li kundathane na SWAPO, ombili yi tungwe.

Okwa dhimbululwa wo Aatiligane oyendji ye na natango etegameno, kutya SA iita ote yi sindi nomatati nonando pamwe tashi pula ethimbo ele.

(Adv.14.1984).

Ekonakono olya ningwa numvo kEhangano lyiinima yopaigwana lyomu SA (South African Institute of International Affairs)

Ekonakono olya yeleanitha oshizemo shomayamukulo shonumvo naangoka ga gandjelwe 1982 nopwa dhimbululwa eyooloko enene. Pethimbo ndiyaka oopelesenda 37,6% adhike dha li dha zimine epangelo li kundathane na SWAPO.

Sebulon Ekanjjo

OVA SHANGELA NGE TAVA TI:

Olye e li mondjila?

Esiku limwe onda ka thikamena okanona megongalo lyaKaku. Onda li nda zala egala komutse. Aantu oya tameke okuyola, aniwa onda zala egala ngame omukadhona.

Olutiyali onda ka thikamena okanona kOshitayi. Onda zala okakayiwa okatokele komawiwili, nde ka tenteka ashike kombanda yomafufu. Natango aakadhona aakwetu oya tameke okuyola ndje.

Sho nda ka talela po kOvenduka, onda pewa ndi thikamene natango okanona. Manga ndu uka kowalitali, omukuluntu gwegongalo okwa hili ndje mokwooko, aniwa inandi zala sha komutse, ngame nonda tameke okupiyagana.

Ano ondjila oyini po? Pukululii ndje.
Jully Kandjala
Windhoek

Ongeleki nayi konakone nawa oshinima shika, yo yi tale nkene tayi kwatha mboka ye li muupyakadhi mbuka. Aawiliki yaagundjuka miilando oyindji otaa tsakanekwa kaagundjuka yamwe mboka miigongi yaagundjuka inaa hala okupangelwa.

Otaa yamukula kutya, yo oya za komagongalo gaandjawa itaa pangelwa. Ngoye omuwiliki oonkondo ku dhi na u ninge sha shilwe, omuntu a tya ngaaka ngele ta ka shuna kegongalo lyawo, oha yakulwa ashike nombili.

Aasitagongalo inaa etha okupula aamati oombapila dhomiigongi yawo yaagundjuka, opo tu kwathe mboka ya hala okukwathwa.

Shuutheni
Luderitz

Onamagongwa Motors

OYE

OMULANDITHI GWOYE GWIIHAUTO G M NOO ISUZU
OTE KU PE OMAUWANAWA TAGA LANDULA.

1. Ongunga yoye yotango kutse, otse tatu yi ku futile .
2. Ondando yetu ongaashi yokOvenduka
3. Oombaki dhetu adhihe odhi na oshilondelo konima noshikandekitho (ogrella) komeho
4. Otse dthingi muSuid-Afrika nomuSuidwes okulanditha oobaki ndhono hadhi nana akuhe, tu vule lwoopelesenda 52 (52%) aatetekeli yetu.
5. Eyakulwo lyoye nesiloshipwiyu lyoye putse, oto li ningilwa kumboka ye shi putudhilwa owina.
6. Otatu ku kwathele paimaliwa nopaihohela pakulanda kwoongunga.

ILA NEHALO EWANAWA U MONE:

Douw Nell nenge
Victor Gabriel

Oto vulu wo okudhenga konomola - Ondangwa 95, u yakulwe nawa.

EHIYO LYOKOSIKOLA- YOMBIMBELI MONGUEDIVA ELOK:

Osikola otayi ka taamba aalongwa aape 1985.

Otaku taambwa aalongwa 25.

Oombapila tadhi tegelelwa odho:

1. *Enyolululo lyonzapu yongundu wa piti hugunina.*

2. *Eindilo lyoye mwene.*

3. *Epopilo lyomulongi nenge lyomusitagongalo.*

4. *Ombapila yegongalo.*

5. *Ombapila yuundjolowele, kutya ou na uukolele.*

Oombapila nadhi kale dha thika 20 Novomba 1984.

*Ondjukithi oyo:
Osikola yOmbimbeli
P/Bag X5505 Oshakati.*

ESO

Kuku Johannes Indongo yaNangula, Oshigambo, mOndonga, okwa mana po oondjenda dhe 12.9.1984 muukokele womimvo dhi vule ethele limwe. Okwa thigi ko omuselekadhi, noyana yane, aatekulu 20 naatekulululwa yaali.

P. Sh. Nangula
Oranjemund

OMUKWETU

Oye oshifo shOngeleki Onkwaevangeli paLuther yomOwambokango.
Ohashi nyanyangidhwa mOshinyanyangidho shOngeleki mOniipa.
Omukuluntu gwoshifo omumbisofi Dr. Kleopas Dumeni.
Amushanga gwoshifo omusita Sebulon Ekandjo.

Ondando yOmukwetu muNamibia naSuid-Afrika R5,00 komumvo.
Paiwe muAfrika R8,00 nokombanda yomafuta R11,00, komumvo. Mondhila R13,00.

Ondando nomambesitelo agehe naga tumwe kOmukwetu, Oniipa, P/Bag 2013, Ondangwa, 9000.

EV.LUTH.OWAMBOKAVANGO CHURCH PRESS
PRIVATE BAG 2013, ONDANGWA 9000
SWA/NAMIBIA